

## HIBRU DILAG NAI

### KAYAK NUG BEKA ODEPA NAI AUM

<sup>1</sup> Kayak Nug haen tatam amu ig memetankad dilagpa nai haen kuḍum ib laalapa ele propet oḍelagpa aawo beum <sup>2</sup> amge Nug gemu, gog tak haen imupa amu, Nug Beḳa oḍepa ihinignu nai maṭiom. Kayak Nug Beḳa amu nuhig keeke oh aokunu aum, nuhigpa amu Nug keeke oh ele haṭom. <sup>3</sup> Kayak Beḳa amu Nug Kayaknu amahlak bianab dayaya, Nug Mameg daaṭe amubianab daaṭe. Nug keeke oh nuhig naipa gagaṭag aqaṭe. Nug mauhom, amupa danab dilag hipunin uhuqa maṭa malowa, Nug eḍua hab aṭan ta, Nug Kayak, onig binag ele, Nug epeg naḍiappa, amuam anuqak aben, amupa daaṭe.

### KAYAK BEKA NUG ENGEL EDATOM

<sup>4</sup> Engel ag am onilag ele, amu Jesus ele onig ele amge Nug onig amu engel onilag huana eḍiḍṭe, amubia Jesus Nug engel eḍaḍṭe. <sup>5</sup> Kayak Nug engel dilag inam iinab aum. “Na am da beḳal, gemu da na Mamen bemi.” Iiṭa. Laa amu Kayak Nug engel laipu laa nuhignu, “Da nug Mameg daaḳul, nug am da beḳal daaḳu,” ii aum amunu ig nai amupa Jesus Nug engel eḍaḍṭe anidṭem. <sup>6</sup> Laa ele amu Kayak Nug beḳa tatamnu wanpa meeb uḍikunu haaha, Nug inam ele aum. “Kayaknu engel oh ag Nug binag meig!” awa aum. <sup>7</sup> Kayak Nug engel dilagnu maḍikunu ha, Nug inam aum. “Nug he, engel ag ulah bia daaṭeb. Nug he, nuhig uḍat danab amu ag ab ḍiṭiak gaḳaḍak bia daaṭeb.” <sup>8</sup> Amge Kayak Nug Beḳanu amu inam aum. “O Kayak, nahip ḍo maḍoḍ am hanhan daaḳu, iiṭa ii mema.

Na hanhan nahip kobol tutukupaib danab ah nahipad gumadtem. <sup>9</sup> Amu na kobol tutukunu oot daate, kobol tutuku iita amu na amunu na ootpa nau, ninig ele dootem amunu Kayak, Nug am nahip Kayak, Nug na tituanita, Nug oo gamag ahak, binan ele, na laipad oh dilag editak, na metom.” <sup>10</sup> Kayak Nug baula ele Nug Beka amegpa inam aum. “Nadi, anukanab na wan imu heme amu gagatag daate. Na hab ele na epenpa heme. <sup>11</sup> Hab wan ele iita mekulah amge na am bauklel daakut. Hab wan ele a oh amu lamen alag mete amubia alag mekulah amge na anam ii hemana. <sup>12</sup> Geha na danab lamen mapiteb bia hatkut. Amu geha na danab lamen baolin, laa meteb bia hatkut amge na amu hanhan idu laipu anamib daakut, na ii baolitem amu na nahip gog tak haen ele iita.” <sup>13</sup> Kayak Nug Beka amegpa anam aum amge Nug anuka engel nuhig laa amegpa inam laa iinab aum. “Na da epel nadiappa, amuam anuqak aben, amupa daappe, dimpa da nahip keked na waatpa maadpi daaglag.” Iita, Nug Jesus amegpa aakuib amu aum. <sup>14</sup> Nug engel laa amegpa anam ii aum. Iita! Engel ag am oudi, ag am Kayaknu udat heteb. Kayak Nug ag gona, danab Nug edua diikunu dab mete ele amu, ag ehanadkulag nu maate goteb.

## 2

### *KAYAKNU EDUA DIIAK AM KEEKE OKAINAB*

<sup>1</sup> Kristus Nug onig binag okai ele amu awom daate, Nug Kayak nai ipunikom, diig amunu amu ig Nai Ena ig edigmanu, ig nai doomut ele, nai amu ig adat, dab meta autanab aot, dim lamidtu! <sup>2</sup> Anuka Kayak Nug engel odelagpa do nai aawo be, nai amu gagatag daatom. Danab ag tapaeg ne di metona amu ag nob nau, ahilag

ehed hak elelepa aodpig. <sup>3</sup> Aria gemu amu Kayak Nug ig edua awigkunu ib babaitom, udat nadi nuhig aaku daate amunu ig Kayaknu udat amu di metagnig dayeb amu ig ehed hak ihinignu nob naunu dekadta oolta gokunignu elelete? Iita! Ig elele iitanab. Nadi Jesus Nug nuka, edua awikak amunu amu Nug tatam a, danab ag Nug odepa aawo doopig ele ag ig amenigpa nai amunu am genabnab ipunigpig. <sup>4</sup> Kayak Nug eponak keeke, danab hekunu elele iita diigdiigpa nai amu gagatag qetom amu Nug nuhig Oudinuh ehad diigdiig ele, Nug oo niom bia, danab matom.

#### JESUS NUG IG EDUA AWIKAK DANAB ANUQAK

<sup>5</sup> Aria ig gemu wan laa, buti adi bekunu atem amu, Kayak Nug engel ag amu gumaglagnu laa ii matom. Iita. Nug nuhikud danab ag gumaglagnu matom. <sup>6</sup> Kayak naipa, laa nug amunu inam yom. “Danab am adi keeke amunu na ag udat amu hekulagnu dab metem? Danab bekalakad am adi keeke amunu na binalag anam madatem? <sup>7</sup> Haen tutunuib na engel waalagpa maadme amge na binalag matan, gagatag ele matame.

<sup>8</sup> Amu na keeke oh ag waalagpa maate, ag gumadkulagnu daateb.” Yo, Kayak Nug keeke oh danab waalagpa meum, Nug keeke laipu laa ii uuitom daate amge gemu ig anidtem, danab ag keeke oh ii gumadteb. <sup>9</sup> Amge ig Jesus anidtem. Kayak he, Nug Nug onig okainab uua, Nug engel onilag okai, onig amubia ii ada, onig nakok bia ada dayaya, ig danab ig ehanigkunu mauhom amunu Kayak Nug humita, binag onig okai ele metom. Kayak Nug ig danab ig ehanitak okai hamu megakunu dab maama he, Jesus Nug ihinignu mauhom.

<sup>10</sup> Kayak, Nug keeke oh diig, keeke oh Nug hatom ele, amu Nug bekod kudum oh diia, atan teeb, ena binalag

ele daaglagnu dab maama, Nug Jesus Nug guitak doyaya, ib amupa Nug edua diiaknu anuqak danab elelenab ba daakunu aum. Amupa Kayak Nug kobol elelenab heum. <sup>11</sup> Laa amu Jesus Nug he, danab opia awak beteb. Amu danab opia awak beteb ele, ag Nug ele oh am Mamelag laipu waapa daateb amunu Jesus Nug amu dilagnu “Da lailad,” akunu Nug uda ii nete. <sup>12</sup> Amuam Nug ate amubia. Nug inam ate. “Kayak, da geha nahipnu da lailad amelagpa madipi dooglag amu da geha qag mak nadi noolagpa na binan mekulnu ahi edakul.” <sup>13</sup> Nug baula ele inam ate. “Da nuhignu oolpa genab dookul.” Nug laa ele inam ate. “Aria, da iiku nid naunau, Kayak Nug da medom ele amu, da ag ele daatem,” awa ate.

**JESUS DANAB BEDU AWA BA, DANAB AH EHANATOM**

<sup>14-15</sup> Nid naunau amu ag anilkad mamelkad ag bedulag bia bedulag aon oiteb amunu Jesus Nug Satannu gagatag, gagatag amupa nug he, danab mauhtebe ele amu, Nug gagatag amu heeb iita mekunu, Nug danab ag wan imupan oiyak ahilagpa haen oh mauhaknu badak doon, ag amupa hipalak daapig ele amu, ag amunu uhuqak ele madakunu, Nug ele danab bedu awa, Nug mauhom. <sup>16</sup> Genabnab Nug engel ehanadkunu udat ii heum. Iita. Nug Abraham budupud ehanatom. <sup>17</sup> Amunu, diig amunu, Nug mana metak danab dilag iki, Nug oo gai iita ele doote daakunu, Nug udat nuhig amu pehetak ha Kayak medakunu, Nug danab dilag hipunin uhuqa madakunu elele daakunu amu Nug ib ohpa Nug laikud bia bekununab dayom. <sup>18</sup> Amu Nug nuka hipunin hekunu eedak doyaya, ug mawom amunu Nug danab ag hipunin hekulagnu eedak dooteb ele amu, Nug ag ehanadkunu elele.

## 3

*JESUS NUG MOSES EDIDTE*

<sup>1</sup> Amunu ag Kayak baegpan danab, ag am ig lainkad, Nug ag hab atan daaglagnu tituanatom ele, ag Kristus Jesus, Nug am ihinig oopa genab doyaknu mana metak danab dilag iki, Nug am ihinig oopa genab doyaknu totol danab daate ele amu, ag nuhignu atog nona dab mena autna aweg! <sup>2</sup> Kayak Nug udat amupa meum amu Nug Kayak ode genab dim lamita heum. Amu Nug anuka Moses Kayaknu danab oolagpa Kayak ode tutuku dim lamita, udat heum bia heum. <sup>3</sup> Amge Kayak Nug Jesus onig okai, Moses onig editak ele, onig amu metom. Adinu? Jesus Nug am lag hak danab bia dayeye, Moses nug am lag ebehi bia dayom amu danab nug lag hete amu nug onig, lag onig editak daate, amubia Jesus onig am Moses onig edidte. <sup>4</sup> Amu lag oh am danab heeg daateb amge keeke ohnu hak diig am Kayak. <sup>5</sup> Moses nug am Kayaknu tamaniak oopa udat danab dayaya, Kayak ode genab dim lamita, dimpa keeke bekunu amu Kayak odepanu awa maditom. <sup>6</sup> Amge Kristus Nug am Kayak Bekanab, Nug Kayaknu danab dilag iki dayaya gumadte. Nug genab Kayak ode dim lamita udat hete amunu ig hanhan ig ihinig oopa genab doyakpa ehanitak aognignu dab mekunig dayeb, ig oonig gamag ahebeb, Nadi ameg ele mekunig dayeb amu ig aaku nuhig danabnab daagnig.

*OOPA GENAB II DOYAK KOBOL AIB DAYOM*

<sup>7</sup> Amunu ig Kayak Oudi, Nug ode doognig. Nug ate. “Gemu ag Kayak ode doon <sup>8</sup> amu ag anuka danab ag hib guita hena, dahil nai tapaeg neum amubia aib hepeg oolag ituom. Haen amu ag atu tadakpa daanna, ag da adi hekulnu ami amu genab hekulte, o iita iite hekul amu

anidkulagnu eedilpig. Haen amupa ag oolag kel dopig.  
<sup>9</sup> Aben amupa, ag gemu daateb amu, ag alalkad, ag da mad 40 anam keeke oh heiyi anidpig amge ag hamu bia doona, anam eedilpig. <sup>10</sup> Amunu da danab amu dilagnu opodil be inam ami. ‘Danab imu ag haen oh dahil ib amu apididteb. Ag dahil kobol ena amupa elele ii oiteb.’ <sup>11</sup> Da opodil be, nai dahil gagatag qeten inam ami. ‘Ag hik awak dahil iinab aomna!’ ” Kayak Oudi Nug anam aum. <sup>12</sup> O lailad, ag lailag laa ag oolagpanu nug dab mak nau, amu oopa genab doyak ele iita, amubia oiyaya, Kayak bauklel di metamanu, ag dab mena autna aweg! <sup>13</sup> Ag Kayak ii di metamna. Iita. Ag gemu haen imupa Nug baag dooglagnu elele daateb amunu Nug haen imunu, “Gemu,” awa ate, amunu ag haen imupa ded ohpa ehed hak kobol laa ag oolag bubuiteb, ag gagatag qetamnu amu ag ag lailkad Nai Ena amelagpa matinna, dab mak ahilag mad ateg! <sup>14</sup> Adinu? Ig Kristus ele tamanit, laipu daagnignu ib am laipuib. Laa iita. Ib amuam inam. Ig tatam Kristusnu oonigpa genab doomut amu, ig amuib adaput ukeb, mauhak haen ihinigpa ele oopa genab doyak nuhignu amu aakuib adagnig dayeb amu amupa ig genab Kristus ele tamanit daatem. <sup>15</sup> Amuam nai ig geha iiku anidmut amubia. Nai amuam inam. “Gemu ag Kayak ode doona amu ag anuka danab ag hib guita hena, Kayak ode tapaeg neum ele, amubia aib hepeg oolag ituom.” <sup>16</sup> Anuka aun adi ag Kayak ode doona, hibguita hena, nai nuhig tapaeg neum? Amuam danab oh Moses nug omalate, Igipta uun, ahan gopig ele. Ag kobol amu hepig. <sup>17</sup> Kayak Nug mad 40 haen amu ohpa aun adi dilagnu opodi

bak do<sup>u</sup>yom? Nug danab ag hip<sup>u</sup>nin qenana, mauhna atu tadakpa niipig ele, ahilagnu opo<sup>u</sup>di bak do<sup>u</sup>yom. <sup>18</sup> Amu Kayak Nug aun a<sup>u</sup>di dilagnu genabnab nuhig hik awak ii aoglagnu aum? Nug danab ag nuhig nai tapaeg neum ele, amu dilagnu aum <sup>19</sup> amunu ig anidta doo<sup>u</sup>tem, ag oolagpa genab ii doopig amunu ag Kayaknu hik awaknu abenpa wakulagnu elele i<sup>u</sup>ta.

## 4

*KAYAKNU DANAB AH DILAG HIK AWAK*

<sup>1</sup> Aria Kayak Nug tatam nai qa<sup>u</sup>ka aum daa<sup>u</sup>te. Nug inam aum. “Ag dahil hik awak aoglagnu elele daa<sup>u</sup>teb,” amunu danab laa ag oolagpanu nug hik awak amu e<sup>u</sup>ta ii aomanu amu ig dab meta auta aotu! <sup>2</sup> A<sup>u</sup>dinu? Ig anu<sup>u</sup>ka Israel ag Nai Ena doopig bia, ig ele doomut amge ag am hamu bia doonna, ag oolagpa genab ii doopig amunu Nai Ena ag doopig ele amu, ii ehanat<sup>u</sup>om. <sup>3</sup> Aria ig Jesusnu oonigpa genab doomut ele amu, ig amunu Kayak aum bia aa<sup>u</sup>ku Kayaknu hik awak aot<sup>u</sup>em amge laa ag oolagpa genab ii dooteb ele, Kayak Nug ahilagnu inam aum. “Da opo<sup>u</sup>di be, nai dahil gaga<sup>u</sup>tag qe<sup>u</sup>ten inam ami. ‘Ag hik awak dahil iinab aomna!’ ” Nug hik awak aben amu ii babait<sup>u</sup>om amunu ag ii aopig, anam i<sup>u</sup>ta. Nug hik awak aben amu matu dig mak haenpa babait<sup>u</sup>om daa<sup>u</sup>te. Ag oolagpa genab ii doopig amunu ag ii aopig. <sup>4</sup> Amu Kayak naipa nai laapa Kayak Nug ded eblaih a<sup>u</sup>ditnu inam a<sup>u</sup>te. “Kayak Nug u<sup>u</sup>dat nuhig oh ha malowa amu Nug ded eblaih a<sup>u</sup>ditpa hik awom.” <sup>5</sup> Aria Kayak Nug hik awak laa, danab ag hik aoglagnu babaita malom. Nug ele ded eblaih a<sup>u</sup>ditpa hik awom amge Israel dilagnu Nug inam a<sup>u</sup>te. “Ag dahil hik awak

iinab aomna,”<sup>6</sup> amunu ig anidtem, danab ag hik aoglagnu daateb amge danab ag anuka Nai Ena doona, tapaeg neum ele, ag oolagpa genab ii doopig amu, ag ii aopig amge hik awak amu babaitom daate amunu laa ag aoglag.<sup>7</sup> Amunu Kayak Nug ded baula, ded amuam onig, “Gemu,” meum. Tatam meum, dimpa mad kudum laa uue, Kayak Nug Dawit odepa nai tatam anak daate amubia aawo beum. Nai amuam inam. “Gemu ag Nug ode doon amu ag aib hepeg, oolag ituom.”<sup>8</sup> Amu Josua nug danab amu Kayaknu hik awak matalo amu Kayak Nug dimpa ded laanu ii matilo<sup>9</sup> amunu Kayak Nug nuhikud danab ag hanhan hik enanag aon daaglagnu hik awak amu babaitom daate. Amuam ded eblaih adit elenu hik awaknab ahilag.<sup>10</sup> Adinu? Aun nug Kayaknu hik awak aote, nug udat nuhig ii hete. Nug hik aote, Kayak Nug hab wan ele ha malowa ded eblaih aditpa hik awom amubia.<sup>11</sup> Amunu ig ele hik awak amu aot daagnignu amu Kayak Nug amunu adi ate amu ig hetu! Ig anuka Israel ag Kayak ode tapaeg neum bia padal mekunignu ii hemata.

<sup>12</sup> Kayak nai am keeke bau, udat haaha daate. Nug am qep laa aeg laih laih ele, udat nuhig enanag hete amu, Kayak nai nug udat nuhigpa qep amubia edidte. Nug keeke qata etaknab daatep am okula aokunu elele. Danab nug dab makpa adi dab mete amu nug oopa adi doote amu Kayak nai keeke amu oh epediadte.<sup>13</sup> Amu keeke laipu laa Kayak Nug amegpa lokumak iinab daate. Iita, keeke oh am Nug amegpa miagib amahlakpa daateb. Amu dimpa ig Nug noobpa daata, ihinig haknu matignig.

*MANA METAK IKI AMU JESUS*



<sup>14</sup> Anam daate amunu ig oopa genab doyak ihinig, ig heut miag atite ele amu, ig amu adat auta aotu! Adinu? Ig ihinig mana metak danab dilag iki, Nug hab atan teum daate. Nug am Jesus, Kayak Beka, Nug daate. <sup>15</sup> Ele amu ihinig mana metak danab dilag iki, Nug am danab laa ihinignu oo ii dookunu laa iita, hipunin hekunu eedak kobol oh ihinigpa bete amu, amu ele nuhigpa beum amge Nug hipunin laa iinab heum amunu keeke nuhigpa beum bia ihinigpa beebe, ig gai iita bia daautut amu Nug ihinignu oo doyak dookunu eledenab daate. <sup>16</sup> Amunu Kayak Nug ihinignu oo gai iita dookunu, ug haenpa Nug ig ehanitak okai hamu megakunu amu ig ii badaa, Kayak gumita gokunig.

## 5

### *KRISTEN LAA NUG KRISTUS DI METAMANU NAI*

<sup>1</sup> Aria mana metak danab dilag iki tituanaknu kobol amu inam. Kayak Nug danab oh oolagpanu danab laa, nug danab ah odelag awa, Kayak amegpa akunu, Kayaknu udat ele hekunu, tituana mete. Danab amunu udat am nug Kayak do medakunu, amu Kayak Nug danab ah dilag hipunin uhuqa madakunu, nug dod ele mana, Kayak medakunu daate. <sup>2</sup> Nug ele hipunin hekunu eedak aote amunu nug danab ag ootot daateb, ag ib apididteb ele amu, nug oo bodo etakpa atog noadkunu elele daate. <sup>3</sup> Amu mana metak danab amu, nug ele hipunin hekunu eedak aote, hipunin danab ele daate amunu Kayak Nug danab amu, nuhig hipunin uhuqa medakunu, danab laa oh dilag hipunin ele uhuqa madakunu, mana metak danab amu nug dod mana, Kayak medate.

<sup>4</sup> Aria mana metak udat amuam binag ele, amu danab laa nug nuqa nug nuhig dab makpa nug binag amu awa, udat amu hekunu ii hema. Iita! Kayak Nug tatam, anuqa Aron udat amu hekunu onigpa eum amubia, Nug danab udat amu maokunu, danab amu onigpa ete. <sup>5</sup> Amu Kristus Nug ele am anam. Nug nuqa binag amu awa, mana metak danab dilag iki ii beum. Iita! Kayak amegpa aum. “Na amu da bekal. Gemu da na Mamen bemi daatem,” awa aum. <sup>6</sup> Kayak naipa aben laapa amu Nug inam ele aum. “Na am Melkisedek bia, mana metak danab hanhannu daatem,” awa aum.

<sup>7</sup> Aria anuqa Jesus Nug danab bedu awa, wanpa dayom, haen amupa Nug Kayak unuqitata, Nug ele Kayak keeke laala hekunu od metom. Nug mauhowa, ib laapa edua hipaidkunu elele iita, Kayak Nug anam ehanidkunu elele dayom amunu Jesus Nug Kayak amu hekunu gagatag od medata, ameg leb ne, Nug nuqa binag qe ne, Kayak ode dim lamitom amunu Kayak Nug nuhig od mak amu odepa awom. <sup>8</sup> Jesus Nug am Kayak Bekanab amge Nug ug mawa, Kayaknu nai dim lamita mauhom, amupa Nug ipunitak awa auta awom. <sup>9</sup> Jesus Nug ug amu oh mawom amupa Nug mana metak iki daakunu elelenab metom amunu Nug danab oh nuhig nai dim lamidteb ele am ehanata, edua diie, ag hanhan ena daaglagnu diig daate. <sup>10</sup> Nug anam dayeye, Kayak tituana aum. “Na am Melkisedek bia, mana metak danab dilag iki daakut,” awa aum.

<sup>11</sup> Aria Melkisedeknu nai amu unuqagnab, ig nota aput, ag nai imu aoteb ele amu, ag dooglagnu ana daate amge ag oolag ootot ele daateb, ag paha oolag maidkunu elele iita amunu ig aput dooglagnu amu ig udat nadi heta, nai diignab aput dooglag. <sup>12</sup> Ag ipunitak danab bena

daaglagnu haen eledenab dayom amge iita, ag doyak ahilag qakub amunu laa nug ag Kayak nainu diig edua ipuanateb aoglagnu daateb. Ag am e gagatag lakulagnu amu elele iita, ag huhib lanana daaglagnu elele. <sup>13</sup> Ig dootem, danab oh ag huhib lateb ele, ag am nid yud daateb. Amu ag kobol tutuku iinab dooteb. <sup>14</sup> Amge e gagatag am danab kalulag ele, ahilagnu daate. Danab anam amu ahilag dab mak am okai meum, ag dab mak elele aon oiteb amunu ag kobol ena, nau ele epedin dooglagnu elele.

## 6

### KAYAK ADI AUM AM GENAB HEKU

<sup>1</sup> Amunu ig Kristusnu nai dig makpan baubau haen oh ii matimta. Ig danab kalu ele ma nai madite, amubia daagnignu hetu! Amu ig dig maknu nai, amuam ig oonig edueb, kobol nau oh genab iita ele di metagnignu nai, ig Kayaknu oonigpa genab doognignu nai, <sup>2</sup> layatak diigdiignu nai, epeg danab badeba maknu nai, Kayak Nug mauhak danab mad eteb edua hibaitaknu nai, Kayak Nug danab ah oh ag epediateb, ag hanhan nob ena o iita nob nau aon daaglagnu nai ele amu, ig nai amuib ii matimta. <sup>3</sup> Iita! Kayak Nug ig ehanikeb, ig nai unuqag daate ele, amunu matignig.

<sup>4</sup> Adinu? Danab ag Kayak Nai Ena aopig, ag matu hab atannu do ena aon oolagpa mepig, ag Kayak Oudi ele aopig, <sup>5</sup> ag Kayaknu nai doona, enanag anana, Kayaknu haen ena dimpa ahilagpa bekunu ele doopig amu, <sup>6</sup> danab amu ag nena qena, Kayak di metaglag dayeb amu, ag anam henana, ag oolag edueb, Kayak topa wakulagnu ib laa iita. Adinu? Ag kobol amupa Kayak Beka baula ad emaitakpa

atulna, ag Nug ad emaitakpa danab ag nuhignu uda laaitak nai akulagnu aihteb.

<sup>7</sup> Am imubia. Haen kudum gu wanpa ne, wan nug lepu amu awa, danab ehanate, e ebapig ele am ena bete amunu Kayak Nug wan amu ititak ena medate. <sup>8</sup> amge wan laa ud nau diigdiig amupa beteb, wan amu udat ena ii hete amu wan amu nug ititak nau waapa daakunu miagnab daate. Danab ag maiglagnu daate.

<sup>9</sup> O lailad, genab gemu ig nai ug ele amu ag dooglagnu maditem amge ig genab dootem, ag padal mak anam bia ii aomna. Iita! Kayak Nug edua diiom amupa ag ehanitak aoteb. <sup>10</sup> Kayak Nug epediak ehed laa ii hete amunu ag udat nuhig hepig, ag nuhignu oolag mauhte dab menana, nuhikud danab ehanadpig, gemu ele anam heteb amu Nug amu oh daug ii atima. <sup>11</sup> Amu ag dimpa gogtak haenpa adi adi aoglagnu dab meteb ele amu, ag amuib aoglagnu elele daaglagnu, ig ag udat ahilag gemu ena heteb amu ag anamib hepeg ukeb, gogtak haenpa malaglagnu oonig daate. <sup>12</sup> Ig ag paha oolag bahi yak dooglagnu oonig ii daate. Iita. Ag danab ag oolagpa genab doona, oolag bahi ii ye, Kayak epegpa ehanitak aoteb ele amu, ag amu ahilag kobol dim lamidna, ag keeke oh anuka Kayak Nug bekod ele madakunu nai qaka aum amu aoglagnu oonig daate.

<sup>13</sup> Aria anuka haen Kayak Abraham amegpa keeke hekunu nai qaka aum amu, danab laa nug Kayak editak laa iita amunu Kayak Nug, Nug onigpa nai nuhig gagatag qeta aum. <sup>14</sup> Nug inam aum. “Da genabnab atem, da ititak nadi medete hepi, na budun ag apatna, kudum daaglag,” awa aum. <sup>15</sup> Amunu Abraham nug oo makpaib, bahi yak ele iitapa nai amu ameg ma dayaya, keeke oh anuka Kayak

medakunu nai qaqa aum amu aaqu awom.

<sup>16</sup> Aria, nai gagatag qetaknu kobol am inam. Danab nug nai nuhig danab laa onigpa gagatag qedte. Danab laa am laa, nai gagatag qedte ele amu, nug editak amunu danab laa nug layagnu nai amu nuhig nai edidmanu amu nug laa onig awa, atan ma, nuhig nai onig amupa gagatag qedata, layagnu nai okulte. <sup>17</sup> Anuka Kayak Nug ig Nug bekod ehanigkunu nai qaqa aum, Nug nai amu iinab baolimanu ipunika auta aokunu amu, Nug nai nuhig Nug onigpa gagatag qetom. <sup>18</sup> Aria gemu am keeke adit, laa am Kayak Nug keeke genab hekunu nai qaqa aum, laa am Nug nuhig nai, Nug onigpa gagatag qetom, keeke adit amuam baoliglahnu elele iita amu, Kayak Nug keeke adit amunu hamu bia ii doyata, Nug keeke adit amu uuata, keeke laa hekunu elele iita, amupa ig danab ig Kayak noobpa ena daatem ele amu, ig oonig genab gagatag qedtem. Amunu Kayak Nug ig gog tak haenpa bauklel mekeb aognignu ameg mekunignu aum amu ig elele dootta, ameg metem. <sup>19</sup> Amu gog tak haenpa ig genab bauklel aognig, dab mak amuam ig dab mak diigdiig dim lamidmatanu, ub mameg nug ubnu keeke ug ele, onig anga, eum daate amubia adaike daatem. Ihinig ehanitak amuam keeke genab, hab atanu mana metak lag oo gun elepanu udite. <sup>20</sup> Amu mana metak danab ag danab ehanadkulagnu dod main Kayak medateb amubia Jesus Nug tatam lag oo amupa, Nug nuka Nug bedu Kayak meteb, ig ehanigkunu noum. Nug am mana metak danab dilag iki, Melkisedek bia hanhan beum daate.

## 7

*MELKISEDEK NUG AM MANA METAK DANAB ONIG ELE*

<sup>1</sup> Melkisedek nug am Salemnu king amu nug am Kayak atannabnu mana metak danab. Anuka Abraham nug ban ha, king aqowa, edua apagpa ugeke, Melkisedek nug Abraham ele ibpa nug uda teya, ititak metom. <sup>2</sup> Mete amu Abraham nug keeke nuhig opate, ameg eblaih tanig ele neeg, ameg laa Melkisedek metom. Melkisedek onig, nuhig mehuqak am, “Kobol tutukunu gumak danab.” Melkisedek nug am Salemnu gumak danab. Salemnu diig am, “Maḏoḏnu gumak danab.” <sup>3</sup> Kayak nai am nug anig mameg amu nug mametab ele ii ipunigte. Menuak ded nuhig amu mauhak ded nuhig ele ii ipunigte. Nug am Kayak Beḳa bianab daate. Nug am mana metak iki hanhannu daate.

<sup>4</sup> Aria Melkisedek nug am danab onig okai ele amu, ag anteg! Nug am onig okai iita ele daalo amu Abraham nug ban ha, keeke awom amu ameg laipu nug ii metalo amge anam iita. Nug ameg laipu metom. <sup>5</sup> Amu Jakop beḳa Lewi buḏub oopanu laala ag mana metaknu udat aoteb ele amu, do ag keeke ameg eblaih tanig ele oopanu laipu, Israel dilagpanu aoglagnu ate. Amu Israel laa oh ag am buḏub amunuib, ag lailkagnab, ag oh am Abraham buḏub daateb amge do nug ag mana metak danab keeke ameg laipu maṭaglagnu ate. <sup>6</sup> Melkisedek nug am Lewi buḏub oopanu iita amge nug Abrahamnu keeke ameg laipu awowa, nug danab, Kayak nug amegpa keeke laa heeb beḳunu nai qaka aum ele amu, nug ititak metom. <sup>7</sup> Aria ig dootem, danab nug ititak medte ele amu nug am okai, onig ele. Nug laa ititak aote ele amu, nug edidte. <sup>8</sup> Am gemu Lewi buḏub, ag am danab mauhtebe ele amu, ag keeke ameg laipu aoteb amge Melkisedek, Nai Ena ate amubia, nug bau daate ele, nug keeke ameg laipu amu awom. <sup>9</sup> Amunu ig inam

akunignu elele. Lewi nug gemu keeke ameg laipu aote amge Melkisedek, nug anuka keeke ameg laipu Abraham epegpanu awom, amunu nug aaku Lewi epegpanu keeke ameg laipu ele awom bia daate. <sup>10</sup> Adinu? Melkisedek nug Abraham ibpa ante, Abraham nug keeke ameg laipu metom. Amu Abraham nug am Lewi memetab amunu Lewi nug bedupa aaku dayom.

**JESUS AMU MANA METAK DANAB HANHANNU, MELKISEDEK BIA**

<sup>11</sup> Aria, Lewi budub ag ahilag udatpa Israel danab ehanadpeg, Israel danab ag do waapa elele daaglagnu daapig amge udat ahilag amu heeb, danab ag eledenab bena daalob amu adinu mana metaknu danab laa, Aron bia iita, Nug am Melkisedek bia, bekunu dayom? <sup>12</sup> Aria do nug Lewi budub oopanu ag mana metak danab daaglagnu ate amunu budub laa oopanu laa nug mana metak ba daakunu dayeb amu Kayak Nug do ele baoliku. <sup>13</sup> Amu danab imu, Kayak Nug Nug amegpa, “Na am hanhan mana metak danab Melkisedek bia daatem,” aum ele amu, Nug am budub laapan, budub amupa amu danab laipu laa anuka qadabpa mana metaknu udat laa ii heum. <sup>14</sup> Amu ig doot auta aotem. Ihinig Nadi, Nug Juda budubpa doum. Amu Moses nug budub amupanu mana metaknu udat danab laa bekunu amu nug laa ii aum. <sup>15</sup> Aria nai imu diig amu miag atiaknab daye, ig anidta dootem. Mana metaknu danab laa nug beum amu Melkisedek bianab daate. <sup>16</sup> Laa nug do laapa, o iita aun tiigpa, o iita aun budubpa he, Nadi Nug mana metaknu danab ii beum daate. Iita! Nug bauklel hanhan dayaknu, gogtak nuhig iita ele, gagaatag amunupa mana metaknu danab beum

daate. <sup>17</sup> Am Kayak naipa nuhignu yak daate amubia. Nai amuam inam. “Na am mana metak danab, Melkisedek bia, hanhan daatem.”

<sup>18</sup> Kayak Nug do anukanu amu qe, iita meum. <sup>19</sup> Adinu? Do amu nug ebehi iita, nug ig ehanigkunu ele elele iita. Do nug am ebehi iita amunu nug keeke laa he, tutuku elelenab iinab beum amge Kayak Nug ib laa odom. Ib amu nug do editak, enanag. Amu ib amupa ig Kayak topa wakunignu elele daatem.

<sup>20</sup> Aria Kayak Nug Jesus Nug mana metak danab daakunu hamu ii tituanom daate. Iita! Nug nuka Nug onigpa nuhig nai gagatag qeta anana tituanom. <sup>21</sup> Mana metak danab anuka ag am anamnab iita. Auntai laa nug onigpa nuhig nai gagatag qeta anana he, mana metak danab bepig? Laa iita amge Jesus nuhignu aakuib Kayak Nug nuka Nug onigpa nuhig nai gagatag qeta, mana metak danab daakunu a, Nug beum daate. Kayak Jesusnu aum. “Nadi Nug nuka Nug onigpa nuhig nai gagatag qeta, ‘Na amu mana metak danab hanhannu daatem,’ aum amu Nug dab mak nuhig iinab baolima.” <sup>22</sup> Kayak Nug Jesus mana metak danab daakunu, nuhig nai gagatag qeta aum, laa ag anuka mana metak danab daapig, ahilagnu anam ii aum, diig amunu ig dimpa tituanak nai bau, ig nob ena adi adi aognignu ate amu, ig genab aognignu dootem. <sup>23</sup> Aria anuka am mana metak danab kudum daapig. Adinu? Ag am danabib, ag mauhadpig amunu ag hanhan anamib daaglagnu elele iita. <sup>24</sup> Amge Jesus Nug am hanhan bauklel daate amunu Nug mana metaknu udat hanhan heku. Baoliak laa iita. Udat amuam danab laa epegpa iinab wama <sup>25</sup> amunu Nug bauklel dayaya, Nug Kayak danab ehanadkunu hanhan unuqidte amunu diig



amunu Nug danab, ag Nug onigpa Kayak gukuidna wateb ele amu, Nug ag edua diieb, bauklel hanhan daaglagnu elele.

<sup>26</sup> Mana metak danab dilag iki anam amu ig ehanigkunu daakunu am enanag. Nug am opia awak, ehed hak kobol laa Nug bedupa iinab daate. Nug am dubutid iita, hipunin danab bia ele iita. Nug onig atannab teum daate. <sup>27</sup> Jesus Nug am mana metak danab anukanu, ag ded oh dod main, Kayak Nug hipunin ahilag tatam uhuqa matowa, danab dilag ele uhuqa madaakunu medapig bia ii hete. Nug udat nuhig anam iita. Kayak Nug danab ah dilag hipunin uhuqa madaakunu amu Jesus Nug amu haen laipu aakuib Nug nuqa Nug bedu oh Kayak metom amunu Nug baula ii hema. <sup>28</sup> Amu do tatamnu am danab gai iita tituanate, ag mana metak danab dilag iki daateb amge nai Kayak Nug nuqa Nug onigpa gagatag qeta aum, do nai dayeye dimpa beum ele amu, nai amupa Kayak Nug beka tituanom. Kayak Nug he, Nug Beka amu Nug mana metak danab dilag iki daakunu elelenab ba amu Nug hanhan anamib daate.

## 8

### *JESUS NUG HAB ATAN APA UDAT HETE*

<sup>1</sup> Aria, nai ig atem ele, nuhig diig am inam. Ig mana metak danab dilag iki Melkisedek bia ele, Nug am matu hab atan Kayak Binag Ele epeg nadiappa, amuam anuqak aben, amupa hedep neum daate. <sup>2</sup> Nug am mana metak udat, Kayaknu mana metak lag, aben opia awaknab ele, amupa hete. Aben amuam, mana metak lag genab, amupa daate. Danab laa lag amu ii heum. Iita! Nadi nuqa lag amu babaitom.

<sup>3</sup> Mana metak danab dilag iki anen anen amu ag ahilag udatpa ag amu mana metak diigdiig Kayak medteb amunu Jesus Nug ele mana metak laa Kayak medakununab dayom. Nuhig mana metak am Nug bedu. <sup>4</sup> Amu Nug wanpa gemu daalo amu Nug mana metak danab laa iinab daalo. Adinu? Mana metaknu danab laala matu bepig daateb, ag mana metak diigdiig Kayak medteb, do niite amubia heteb. Ag udat amu gumateb, laa ele dayaya gumakunu ib ii daate. <sup>5</sup> Mana metak udat, ag wan imupa heteb ele amu, ag hab atan opia awak abenpa kobol niite ele amubianab dotog aaku heteb. Nai laa amu ipunigte am nai anuka Kayak Nug Moses amegpa aum. Nai amuam haen Moses nug mana metak lag dod gadapa hepig ele, lag amu galakunu heehe, Kayak aum. “Na dab mena autna aona, keeke dotog da qaukopa ipunidmi ele amu, na amu bianab he!” awa aum.

*TITUANAK BAU NUG TITUANAK ALAG EDIDTE*

<sup>6</sup> Amge mana metak danab ag wanpa heteb, ag am hab atannu hak, amunu dotog bia heteb. Jesus Nug mana metak udat awom ele amu, udat amuam mana metak udat alag editom. Nug tituana nai qakak bau amu nug tituana nai qakak alag edidte aumbia Jesusnu mana metak udat am mana metak udat alag edidte. Nug tituana nai qakak baunu diig am ele alagnu diig edidte. Amu ele, nug tituana nai qakak bau diigpa amu keeke Kayak heeb bekulagnu nai qaka aum ele amu ag alag amunu edadte.

<sup>7</sup> Amu nug tituana nai qakak tatamnupa ehed laa ii daalo ele amu, Kayak Nug nug tituana nai qakak baunu ii dab melo. <sup>8</sup> Amge Kayak Nug nug tituana nai qakak alag, nug danab ehanadkunu elele iita, nai laapa ipunika, miag atia aum. Nai amuam inam. “Nadi Nug ate, Doyeg!

Dimpa, haen laapa, geha Israel budulkad amu Juda budub ele, da ag oh ele nug tituana nai qakak baupa ag ele nug tituana, nai qakagnig. <sup>9</sup> Nug tituana nai qakak bau amu da tatam ag memetalkad anuka haen da epelag aden omalati, Igipta wan uun, ahan gopig ele, haen amupa da ag ele nug tituana nai qakamut amubia iita. Haen amu ag nug tituana nai qakak nai dahil ii dim lamidpig amunu da di matami.’ ” Nadi anam awa ate. <sup>10</sup> Nadi Nug tudita inam ele aum. “Haen amunu am iita meeb, geha da nug tituana nai qakak baupa Israel ele nug tituana nai qakagnig. Nug tituana nai qakak amuam inam. Geha da do dahil oh dab mak ahilagpa mein, da geha ag oolagpa ele mepi daaku. Geha da Kayak ahilag daakul, ag am dahil danab daaglag. <sup>11</sup> Amu geha danab oh ag Kayaknu, nug ipunitak lailkad mudipan dilagpa ii hemana. Iita. Amu lailkad laala ag lailkad laala ele ipuanadnana, ‘Ag Nadi doye!’ ii amana. Adinu? Haen amupa geha danab oh anen anen ag da dooidna autna aoglag. Nid naunau, danab okai okai ele, ag oh da dooidkulag. <sup>12</sup> Da ahilagpu ool gai iita doyen, da hipunin ahilag uhuqe maten amu da hipunin ahilag baula dab ii mepa,” awa aum. <sup>13</sup> Nug nug tituana nai qakak baunu anam anana, nug tituana nai qakak tatamnu amu Nug he, alag meum. Amu keeke nug alag ma, nug kaino bia nakoknab dayaya, iita mete.

## 9

### MANA METAK TATAMNU AMU AG DOD TIIGPA HEPIG

<sup>1</sup> Aria nug tituana nai qakak tatamnupa amu Kayak Nug do laala ele metid haknu amu danab ag epelagpa mana metak lag dod gadapa hena galaglagpu ele meum.

<sup>2</sup> Dod gada mana metak lag amu oopa, makulak anuqakpa

amu lam, balal amu bret, ag Kayak medapig ele amu, keeke amu oh agupa daapig. Lag oo maḱulak amuam onig, “Gun Aben.” <sup>3</sup> Aria lag oopa, lamen naḱi dimugpa, lag oo maḱulak laa, maḱulak amunu ag, “Gunnab Aben,” aṭeb, amupa dayom. <sup>4</sup> Aben amupa amu ab kah muṭuḱig ele ahaḱunu qaḱab golpa hak amu nug tituana nai qaḱak kunup, ag amu adpa hewona, ad amu qaḱepa oopa ele gol mewona, ag nug ameg am golpaib hepig amu, keeke aḱit amu a agupa daapig. Amu kunup amu oopa amu gol id laa, amupa ag bret onig mana inapig, aria Aronnu bu, ita beum ele amu, men otala aḱit, amupa ḁo nai yaalaṭak ele amu, keeke amu oh kunup amu oopa daapig. <sup>5</sup> Kunup amu aṭan am engel aḱit, onilah okaḱi ele amu, a ḁoṭolah daapig. A Kayak aben amupa daate amu danab ah ipuanadpid. A waalahpa amu hipunin uhuqa meṭaknu tiig goḱaḱak aben dayom, amuam kunup ameg golpaib hak. Amge gemu amu keeke amunu oh mehuḱaknu haen iṭa

<sup>6</sup> Aria, keeke oh anam babaiṭak daye amu mana meṭaknu danab ag haen oh lag oo maḱulak dimitim amupa uḱat ahilag heḱulagnu nodapig <sup>7</sup> amge mana meṭak danab dilag iki, nugib am lag oo maḱulak oopanab amupa hipunin nuhig amu danab oh dilag ele, ḁoḱ tiilagpa mana meṭak heḱunu maḱ laipu oopa, haen laipuḱi noa heṭom. Nug hamu iinab noṭom. Iṭa! Nug ḁoḱ tiig awa, amu ele goṭom. <sup>8</sup> Kobol amupa Kayak Ouḱi Nug inam ipunigṭe. Haen danab ag lag amupa Kayak binag mepig ele amu, danab ah oh ag Kayak noobpa tutuḱu waḱulagnu ib iṭa. Ib amuam oo nak. <sup>9</sup> Mana meṭak lag amu nug ig gemu haen imu daaṭem amu keeke ipunigṭe. Lag

amupa keeke do idu idu Kayak metanna amu mana metak idu idu ele hepig amge keeke amu oh, danab hepig ele amu, oolag bapaita heeb, ag tutuku eledenab bekulagnu elele iita. <sup>10</sup> Mana metak anam amu e lanak keeke, le lanak keeke amu le laaitak kobol, ele. Do amu oh am danab bedulagnuib. Kayak Nug do amu oh danab ag dim lamidpeg ukeb, dimpa Nug edua keeke oh elele medakunu heum.

**KRISTUS NUG NUKA NUG TIIGPA HIPUNIN UHUQA MEGTE**

<sup>11</sup> Anam dayom amge Kristus Nug ititak ena diigdiig, Kayak megakunu dab mete ele amu, Nug amunu mana metak danab dilag iki daakunu udia dayom. Amu Nug mana metak lag eledenab, mana metak lag tatamnu editak amu, udat nuhig hekunu oopa noum. Mana metak lag amu danab ag epelagpa ii hepig, amu ele wan imupan keeke iita. <sup>12</sup> Kristus Nug meme tiig amu bulmakau tiig ele awa, mana metak lag amunu Gunnab Abenpa ii noum. Iita! Nug nuka Nug tiig awa, haen laipu aakuib Gunnab Aben amupa noa, Nug tiigpa Nug ig edua hanhannu awikom. <sup>13</sup> Am inam bia. Do alagpa danab laala Kayak noobpa bedulag udig wak ele daapig amu, mana metaknu danab ag meme amu bulmakau dawai tiilag amu bulmakau balat manaeg, uhud meum ele amu, ag tiig uhud amu ele aon, danab dubutid ele amu qadelagpa taodeg, Kayak amegpa danab amu ag bedulagib opia awak daapig <sup>14</sup> amunu gemu ig Kristus tiigpa genab opia awaknab daagnig. Nug bedupa ehed laa iitanab, Nug Oudi bauklelele gagatagpa, Nug nuka Nug bedu, mana metak bia, Kayak metom amunu Nug tiig ig bedunigib ii ihom.

iita! Nug ig oonig ele iha amu kobol laa oh, bauklel iita ele amu, Nug amu ele opie ukom. Anam amu ig Kayaknu udat bauklel ele amu adat auta aognig.

**KRISTUS TIIG NUG TITUANAK BAU GAGATAG QETOM**

<sup>15</sup> Amunu Kayak Nug danab onilagpa eum ele amu, ag ititak haen ohnu ele, Kayak anuka Nug bekod madaḱunu nai qaḱa aum amu, ag amu aoglagnu, Kristus Nug tituanak baunu gamag danab daate. Kayak Nug amu madaḱunu elele daatenu diig am Kristus mauhom amunu danab ag tituanak alag waapa daana, ehed hepig amu mauhak amupanu ag uhuqak aoteb.

<sup>16-17</sup> Danab nug dimpa mauhku amu doya, nug aun en nuhig aokunu dab mete amu nug nai amu udugpa ya, onig ele yeeb, danab laa ele nug anta onig yeeb am, gagatag aaku daaku. Aria danab laa oh ag tatam keeke mameg mauhom doopeg amu keeke mameg nug laa, nuhig keeke aokun yom ele amu, nug keeke aoku. Keeke mameg ii mauhom haenpa amu laa nug keeke ii aoma. Nai amuam mauhak dimpa aakuib keeke mamegnu dab mak gagatag qedte. <sup>18</sup> Diig amunu danab ag anuka tituanak tatamnu gagatag qetaglagnu amu ag dod aqaeg mauhna, tiilag gokaḱtapig. <sup>19</sup> Tatam amu Moses nug do oh danab dooglagnu mehuqa malowa, dimpa nug bulmakau nag amu meme nag ele diia aqa, ag tiilag le ele kobolia, nug sipsip udig kokod amu ud laa onig hisop gumupa ita, amu tiig le ele amu do yaalataknu buk qadepa taod qetowa amu danab oh ele taod aqom. <sup>20</sup> Nug aum. “Tiig imu tituanak Kayak Nug ag dim lamidkulagnu matom ele amu gagatag qedate,” awa aum. <sup>21</sup> Anamib nug tiilag mana metak lag

dod gadapa hak taod qedata, udat lag amupa heteb ele, amunu keeke naunau laa oh ele taod aqatom.

*KRISTUS HAEN LAIPUIB HIPUNIN UHUQA MEGAUNU MAUHOM*

<sup>22</sup> Aria do kobolpa, tiigpaib keeke oh opia awak daakunu dayom. Amu tiig ii ne amu Kayak Nug hipunin ii uhuqte. <sup>23</sup> Mana metak keeke amu, ag hab atan kobol niite dotog ipunigte ele amu, ag ib amupa opia awak bekununab dayom amge hab atannu mana metak lag genab, nug opia awak daakunu amu dod tiilag taod aqakunu elele iita. Iita, keeke laa dod tiig editaknab aakuib am elele. <sup>24</sup> Amuam Kristusnu mauhakpa beum. Kristus Nug mana metak lag, Kayak Nug laugnab dotog, danab ag epelagpa hepig ele amu, oopa ii noum. Iita! Nug hab atan apanab ukom amunu gemu Nug Kayak noobpa miag atia teum dayaya, danab ig ehanikaka daate. <sup>25</sup> Mad ohpa wan imupa mana metak danab dilag iki nug dod tiilag awa, lag oo gunnab, aben amupa qadabpa taodteb. Tiig amuam, nug tiig iita, am dod tiilag. Wan imupan mana metak danab dilag iki amu ahilag udat am anam amge Jesus Nug amubia ii heum. Iita. Nug nukā Nug beđu mana metak bia Kayak metom amu Nug kobol amu he, haen kudum hekunu ii daate, laipuib heum. <sup>26</sup> Nug laa heteb bia helo amu Nug haen kudum, Kayak dig ma, wan heum udie, gemu haen imu ele guitak awawa daalo amge anam iita. Haen nakok malele, Kristus Nug haen laipu aakuib wanpa na, hipunin uhuqkunu nukā beđu Kayak metom. <sup>27</sup> Amu danab oh ag haen laipuib mauhona, dimpa ag hetodiakpa daaglag, <sup>28</sup> amubia Kristus Nug nukā haen laipu aakuib, Nug beđu mana metak bia Kayak metowa, Nug danab kudum dilag

hipunin uhuqa madaḱunu heum. Nug anam heum amu dimpa Nug baula eḁua uḁiku amge hipunin uhuqḱunu iita. Nug danab ameg mena daateb ele amu eḁua diḱunu uḁiku.

## 10

<sup>1</sup> Aria ḁo nug am keeke ena, genab buti aḁi beḱu ele, amu doḁogib aaku dayeye anidtem amge keeke ohnu doḁog elelenab ii daate. Amu ḁo nug mana meḁak idu idu anamib maḁ ohpa haknu ate amunu ḁo nug danab ag gunnab abenpa noḱulagnu elele daaglagnu bapaladḱunu elele iita. Do nug heeb, ag tutuḱu elelenab ii bemana. <sup>2</sup> Amu ḁo nug heeb, danab ah ag ena beḱulagnu elele daalo amu ag mana meḁak baubau ii helob. Aḁinu? Danab ag meḁid heteḁ ele amu ag mana meḁak haen laipupaib opia awak bepig doolob, ag hipuninnu beḁulagpa ab ele ii doolob, ag mana meḁak uḁat baula ii helob. <sup>3</sup> Amge iita. Maḁ ohpa mana meḁak amu he, ag hipunin ahilag daulagpa doḁe. <sup>4</sup> Aḁinu? Bulmakau, meme ele amu ag tiilag nug hipunin uhuqḱunu elele iitanab. <sup>5</sup> Amunu haen Kristus Nug wanpa uḁia, Nug Kayak amegpa aum. “Ag doḁ aqan main na meḁaglagnu amu na oot ii daate amge keeke amu ag abenlag aokunu amu na da beḁul imu bapaidna medame. <sup>6</sup> Ag doḁ kuḁum ahilag hipunin uhuqaknu qadabpa maiteb amge ag doḁ amu main na medateb amu na amunu ele oot ii hete. <sup>7</sup> Amunu da ami. ‘Kayak, da ina daatem. Anuka dahilnu nahip naipa yaapig bia amu gemu da nahip dab mak dim lamidḱulnu uḁimi,’” awa aum. <sup>8</sup> Aria tatam Jesus Nug mana meḁak ag heteḁ ele amunu inam aum. “Ag doḁ aqan, main meḁaglagnu amu na oot ii daate. Ag doḁ kuḁum hipunin ahilag uhuqaknu



qadabpa main na metaglagnu amu na amunu ele oot ii hete.” Ag amu do ate amubia heteb amge Kristus Nug Kayak amunu oo ii hete awa aum. <sup>9</sup> Nug laa ele aum. “Kayak da ina daatem. Da nahip dab mak dim lamidkulnu udimi.” awa aum. Amunu Kayak Nug kobol gehanu amu heeb, gagaagnab daakunu, Nug kobol tatam dayom amu he, iita meum. <sup>10</sup> Jesus Kristus Nug Kayaknu dab mak dim lamiita, haen laipu aakuib Nug nuka Nug bedu mana metak bia Kayak metom. Amupa Nug he, ig opia awak danab bemut daatem.

<sup>11</sup> Aria mana metak danab oh ag ded ohpa udat ahilagpa hipaidteb. Ag mana metak idu idu amuib haen oh heteb amge mana metak anam am hipunin uhuqaknu elele iitanab. <sup>12</sup> Amge Kristus Nug am haen laipu aakuib hipunin uhuqaknu mana metak hanhannu aaku heum. Nug anam ha, gemu amu Nug Kayak Onig Ele epeg nadiappa, amuam anuqak aben, amupa hedep neum daate. <sup>13</sup> Amu Kayak Nug keked nuhikud Nug waapa maadkunu haen amu ameg meum daate. <sup>14</sup> Nug mauhak laipupa mana metak heum amupa Nug he, danab ag Kayak he ag opia awak danab daateb ele amu, Nug he, ag tutuku elelenab daateb. Amu hanhan ele anamib daaglag. <sup>15</sup> Kayak Oudi Nug ele Jesus Nug keeke oh ihinig hipunin uhuqa megakunu ha malom ipunika, nai adit mekom. Laa am nug inam ipunigte. <sup>16</sup> “Kayak Nug aum. ‘Haen amupa da ag ele nug tituanta nai qakagnig. Da ag oolagpa ahilag dab makpa ele do dahil mekul.’ <sup>17</sup> Aria nai laa am, ‘Ag hipunin adi adi hepig ele amu ag nob aomnanu da uhuqen mada kul,’ ” awa aum. <sup>18</sup> Kayak Nug danab laanu hipunin uhuqa meta malom dayeb amu danab amu nug hipunin

amu uhuqkunu mana metak baula hekunu ii dab mema, aaku malak.

*KRISTEN AG KAYAK GUMIDNA WANA GAGATAG DAYEG*

<sup>19</sup> Amunu o lailad, ig Jesus tiigpa mana metak lag oo gunnabpa gokunignu ib babaitak daate. <sup>20</sup> Jesus Nug ib bau, ib amupa ig bauklel aotem ele amu, buua mekom. Anuka danab ag aben gunnabpa gokulagnu am ib kel doak dayom. Lamem nadi laa aihak dayom ele amu, nug ib amu kel doum amge Jesus Nug mauhak nuhigpa lamem nadi amu patida, ib babaita meke, ig Kayak topa gokunignu elele. <sup>21</sup> Laa ele amu ig am mana metak danab dilag iki ele, Nug Kayaknu danab ehanatata atog noadte. <sup>22</sup> Aria, ig ib ele, mana metak iki ele amunu ig Kayak gumidta gotu! Ao, ig oonigpa ham bupuak laa iita ele daatta, ig oonigpa genab dootta, Nug he ig bedunigpa ab iita dootta, Nug ig bedunig le opia awakpa babaita male oitta, ig Nug gumiita watu! <sup>23</sup> Amu Kayak Nug keeke hekunu nai qaka aum amu genab meu beku amunu ig oopa genab doyak ihinig miag atitta, keeke ena meu okunu ameg metem ele amu, ig adat auta aotu! <sup>24</sup> Amu ig lainkad dilag, ag danab laa dilagnu oolag mauhkunu amu kobol ena ele hekulagnu mad atagnignu amu, ig amu ele dab metu! <sup>25</sup> Amu ig laala ag heteb amubia ig Kristen lainkad ele qag mak laipu haknu kobol ii uumta. Iita. Ig qag metata, lainkad oolag gagatag aqatu! Ig Kristusnu ded miag doum daate anidtem amunu ig udat amu tudidta huana hetu!

<sup>26</sup> Amu ig dootta, hipunin baubau hetem dayeb amu ig hetata, ihinig hipunin uhuqaknu mana metak laa ii anidmata. <sup>27</sup> Anam dayeb amu ig Kayaknu hetodiak okai amu ab gakaaknab, Kayaknu keked oh ewadku ele,

amuib badidta ameg mekunig. <sup>28</sup> Ig dootem, danab laa nug Mosesnu do tipale, danab adit laa o danab ewam laa ag anidna, nug ehed heum amunu heeg, miag atie amu ag nuhignu oolag gai iita ii doopig. Iita! Nug aaku qepeg mauhkunuib dayom. <sup>29</sup> Aria anuka danab nug do tipalom amu ag nug qepeg mauhkunu dayom amunu gemu amu danab laa nug Kayak Beka di medte ele amu, nuhignu amu atemnab? Danab amu nug geha qagaetak nadinab anidkunu elele. Adinu? Nug Kristusnu, Nug am keeke hamu doya, Nug tiig ele, amupa Kayak nug ele nug tituanpid, amupa danab amu nug opia awak beum amge danab amu nug tiig amunu keeke hamu bia doyom. Laa ele amu nug Kayak Oudi, Nug hanhan ehanitak okai hamu megte ele amu, nuhigpa ele kobol ehednab heum. <sup>30</sup> Amunu danab ag kobol ehed amu heteb ele amu, ag epediak genab aoglag amu ig dootem. Adinu? Kayak Nug nuka Nug aum. “Ehed hak kobolnu edua nob maknu udat am dahil. Danab ag ehed heteb ele amu, da ag nob madaikul.” awa aum. Nug laa ele aum. “Nadi Nug nuka geha nuhikud danab epediadku,” awa aum. <sup>31</sup> Amu danab laa nug hipunin nuhignu, Kayak bauklele ele epegpa epediak aokunu gokunu am keeke hamu iita. Keeke amuam keeke ug naunab ele.

<sup>32</sup> Aria ag haen Kristus aopig daanna, dimpa ug okai laala ahilagpa beebe doopig ele, haen amu amelagpa doad! Haen amu ag ug kudum maoegeg, laa ag guitak okai ele madapig amge ag gaga-tag hipaidna daanna maopig. <sup>33</sup> Amu haen laala danab laa ag qag mak nau noolagpa ag guitak maton, aon aon aqan, ihaklele aqanna, guitak nadi ele madapig. Haen laala ag kristen ag lailkad ug anam dooglagnu bedulagpa beum amu ag lailkad ehanadna, ug

amu ele maopig. <sup>34</sup> Amu ag danab mani guitakpa daapig, amu dilag oolag doyom. Amu haen laala dimitim danab ag u<sub>đ</sub>in, ahilkad keeke ena ena a<sub>đ</sub>adna diipig amge ag amunu oolag ii nauhom. Ii<sub>đ</sub>a, ag oolag bodo e<sub>đ</sub>e, uueg aopig. A<sub>đ</sub>inu? Ag ahilag keeke ena hanhannu, dimpa aoglagnu apa ana daa<sub>đ</sub>e doopig. <sup>35</sup> Amunu ag oopa genab doyak gagatag ahilag amu aib maopeg ukom. A<sub>đ</sub>inu? Geha ag keeke amunu nob enanag aoglag. <sup>36</sup> Amu ag oolag ma<sub>đ</sub>od ele gagatag hipaidna daanna, Kayak o<sub>đ</sub>e dim lamidna amu ag keeke ena, anuka Nug ag ma<sub>đ</sub>akunu nai qa<sub>đ</sub>a aum amu, geha aoglagnu daa<sub>đ</sub>e amunu ag gagatag daaglag am ena. <sup>37</sup> Amuam Kayak naipa nai laa daa<sub>đ</sub>e amubia. Nai am inam. “Haen elab i<sub>đ</sub>a, nakoknab laa ele, danab u<sub>đ</sub>ikunu daa<sub>đ</sub>e amu Nug u<sub>đ</sub>iku. Nug am kagi ele ii hema, pahanab u<sub>đ</sub>ikunu daa<sub>đ</sub>e. <sup>38</sup> Tutuku danab dahilad, ag oolagpa genab dooteb ele amunu ag am geha bauklel aon daaglag. Amu laipu laa nug di me<sub>đ</sub>aku amu da nuhignu amu da oolpa eledenab ii dookul.” <sup>39</sup> Amge ig am danab ag Jesus di me<sub>đ</sub>an padal me<sub>đ</sub>e ele, danab amu oolagpa ii daa<sub>đ</sub>em. Ii<sub>đ</sub>a! Ig am danab ag nuhignu oolagpa genab doon, bauklel aoteb ele amu, ag oolagpa daa<sub>đ</sub>eb.

## 11

### *OOPA GENAB DOYAK NAI DIIGDIIG*

<sup>1</sup> Danab nug oopa genab doyak ele amu nug a<sub>đ</sub>i keeke aokunu ameg me<sub>đ</sub>e amu nug genabnab genab aokunuib dab me<sub>đ</sub>e, nug ii aomanu nakok laa ii dab me<sub>đ</sub>e. Amu ele nug keeke amegpa ii anid<sub>đ</sub>e ele amu, nug anamib genab anid<sub>đ</sub>unu dab me<sub>đ</sub>e. <sup>2</sup> Amu danab anukanu, ag am oolagpa

genab doopig amunu Kayak Nug ahilagnu oo ena doyaya, ahilagnu ena aum.

<sup>3</sup> Amu Kayak Nug odepa nai aawo, wan, atu, keeke oh ele bepig daateb, ag akanab ii bepig amu, ig amuam oonigpa genab dootem.

<sup>4</sup> Abel nug Kayaknu opa genab doyom amunu nug mana metak, Kain editak, mana metak enanag heum amu Kayak nuhig mana metaknu amu enanag anta nuhignu, “Danab tutuku,” awa aum. Abel nug am anuka mauhom amge nuhig opa genab doyak amu ig adi hekunignu gemu ele ig ipunika auta aote.

<sup>5</sup> Amu Inok nug ele am Kayaknu opa genab doyom amunu nug am ii mauhom. Iita, Nug bau dayaya, Kayak topa waum. Kayak Nug nuka awom amunu laa ag nug iinab anidpig. Inok hab atan ii ukom haenpa tatam Kayak Nug nuhignu oo ena dayom amu Nug he, amu miag atiom. <sup>6</sup> Danab laipu laa nug opa genab ii doote ele amu Kayak Nug nuhignu oo ena dookunu elele iita. Adinu? Danab ag nuhigpa wakulagnu amu ag, “Kayak Nug daate amu danab ag Nug matin oiteb ele amu, Nug ag nob ena madaku,” oolagpa genab dooglagnab. Ib laa iita.

<sup>7</sup> Noa nug Kayaknu opa genab doyom, nuhignu ele enanag doya, oo ele otaiom amunu Kayak Nug dimpa kobol bekunu a amu Nug ode doyom. Noa nug Kayak nainu opa genab doyom amunu nug baekudpa ele oh ag bau daaglagnu nug aaku ub itom. Opa genab doyak nuhig ampa amu nug danab laa oh, ag oolagpa genab ii doopig ele amu, ag ehed hepig aaku ipuanata, ampa ele nug am danab tutuku beum.

<sup>8</sup> Abraham nug ele Kayaknu oopa genab doyom amunu nug Kayak ode dim lamita, Kayak Nug wan atu laa medakunu aum amupa ukom. Amu nug apag diignab uua aha, ab atenpanab uka daakunu am nug oo ii maitete ukom. <sup>9</sup> Amu nug Kayaknu oopa genab doya uka, wan Kayak medakunu nai qaka aum amu atu amupa danab laa atu laihnu udia daate bia dayom. Amu nug dod gadapa lag ha amupaib daatom. Aria nug beka Isak amu nug alag Jakop ele, a nug budub amu, Kayak Abraham amegpa keeke medakunu nai qaka aum ele amu, a nai amu ele aopid. Amu a ele wan amupa dod gadapa lag anen anen heya, amupaib wan amupa daadtapid. <sup>10</sup> Abraham nug ab okai laa, Kayak dab ma heum, ab amuam hanhan daaku ele amu, ab amupa daakunu ameg ma dayom amunu nug wan amupa dod gadapa lag hak amupa daakunu ug ii doyom.

<sup>11</sup> Sara nug am ah matoi, nug kainonab ele meum amge Kayak Nug nug nid menukunu nai qaka a, Sara nug Kayaknu oopa genab doyom amunu Kayak he, Sara nug nid menukunu elele dayom <sup>12</sup> amunu danab laipu amu nuhigpa danab apatna, wan atu oh am bepig daateb. Nug am mauhom bia dayom amge nug budub ag gemu eb qaknu elele iita daateb. Amu hodopai atannu bia amu yu ihipa abud bia wan atu oh am bena daateb.

<sup>13</sup> Danab amu oh ag ahilag oopa genab doyak amuib adan mauhpig. Ag Kayak keeke madaakunu nai qaka aum, nai amuib aopig daanna mauhpig, keeke amu ii aopig amge buti adi keeke amuam bekonu genab anidpig. Ag am doopig, wan imu am ag apalag diignab iita, ag am laihnu

hamu u<sub>d</sub>in daateb bia daapig. <sup>14</sup> Danab ag aka ahilag<sub>n</sub>u anam dooteb ele amu, ag amupa miag atiak ipunigteb. Ag apalag diignab anidkulag<sub>n</sub>u neegna daateb. <sup>15</sup> Ag wan imupan apalag tatamnu uun Kanan wanpa udipig ele, amun ii dab mepig. Ag anam dab melob amu ag edun gokulag<sub>n</sub>u elele daalob <sup>16</sup> amge anam am iita. Ag apalag ena dimpanu, hab atan amunuib dab mepig amunu Kayak Nug, “Da ahilag Kayak,” akunu amu uda ii nete. Iita, Nug ab enanag, ag daaglag<sub>n</sub>u babaitom daate.

<sup>17-19</sup> Abraham nug Kayaknu oopa genab doyom amunu haen Kayak Nug Abraham diig dookunu ug metom, haen amupa Abraham nug beka mana, Kayak medakunu keeke oh babaita dayom. Dayeye, Kayak he, nug beka ii qeum amge Kayak Nug Abraham amu oh helo bia doyom. Tatam Kayak Nug Abraham amegpa Isaknu inam aum. “Isak budub aakuib ag na budunadnab daaglag,” awa aum. Yo, Kayak anam a, Abraham nuhig nai amu awom amge dimpa nug Kayak ode dim lamidkunu, Isak mana, Kayak medakunu keeke oh babaitom. Adinu? Abraham nug anam hekunu haaha, nug Kayaknu inam dab meum. “Da bekal mauha, edua hipaidkunu amu Kayak Nug amu hekunu elele.” Nug anam dab ma, keeke oh Isak mana, Kayak medakunu babaita mala dayom amunu ig inam akunignu elele. “Abraham nug beka mauhak abenpanu edua awom,” aot akunig.

<sup>20</sup> Isak nug Kayaknu oopa genab doyom amunu dimpa ahilahpa adi keeke bekunu amu nug Jakop Esau ele ititak matom.

<sup>21</sup> Jakop nug Kayaknu oopa genab doyom amunu nug mauhkunu haen miag dayeye, nug Josep beko<sub>d</sub> adit ititak

matom. Nug amu dud qaknu ho<sub>ka</sub>t nuhi<sub>g</sub> i<sub>ki</sub> a<sub>de</sub> ehanite<sub>e</sub> dayaya, Kayak binag meum.

<sup>22</sup> Josep nug Kayaknu oopa genab doyom amunu haen nug mauh<sub>ku</sub>nu haaha amu nug Israel ag dimpa Igipta uun, ahan go<sub>ku</sub>lagnu anana amu, nug be<sub>du</sub> a<sub>tem</sub> boom<sub>ku</sub>lagnu ele aum.

<sup>23</sup> Moses anig mameg ele a ele Kayaknu oolahpa genab doopi<sub>d</sub> amunu anig nug Moses menue, nid enanag anidya, kalam ewam lo<sub>ku</sub>meh ni<sub>to</sub>m. A Paronu oolah ii ba<sub>de</sub>de hepi<sub>d</sub>.

<sup>24</sup> Moses nug Kayaknu oopa genab doyom amunu haen nug o<sub>ka</sub>i ma dayom ele amu, nug ag, “Nug am Paro a<sub>de</sub>g be<sub>ka</sub>,” a<sub>ku</sub>lagnu oo ii dayom. <sup>25</sup> Ii<sub>ta</sub>, nug amu uua, amu Kayaknu danab ah ele ag oh ug lai<sub>pu</sub> maoglagnu oo dayom. Nug hipunin kobol dim lami<sub>ta</sub> oiyaya, oo gamag ahak haen tutunuib aok<sub>nu</sub> amu nug oo ii niiom.

<sup>26</sup> Nug nob ena, bu<sub>ti</sub> a<sub>di</sub> Kayak meda<sub>ku</sub> amunuib dab meum amunu nug Kristus onigpa u<sub>da</sub> nak aok<sub>nu</sub> ena doya, Igipta dilag enubnu amu, nug keeke hamu doyom.

<sup>27</sup> Moses nug Kayaknu oopa genab doyom amunu nug Igipta wan uua, aha u<sub>ko</sub>m. Nug Paronu opo<sub>di</sub> bak amunu oo ii ba<sub>do</sub>m. Amu danab ag Kayak amelagpa anid<sub>ku</sub>lagnu elele i<sub>ta</sub> amge Moses nug an<sub>to</sub>m bia dayaya, nug ga<sub>ga</sub>ta<sub>g</sub> dayom. <sup>28</sup> Moses nug Kayaknu oopa genab doyom amunu nug Igipta uua ii u<sub>ka</sub>k haenpa nug Israel ag anam he<sub>ku</sub>lagnu aum amunu Nug Israel ele ag Pasowa me<sub>ti</sub>d hobul hena, ag sipsip tiilag laul<sub>ka</sub>d od ugupa taud<sub>u</sub> qedapig. Ag do<sub>d</sub> tiilagpa anam he<sub>pe</sub>g, nid tatamnu menua<sub>ta</sub>k aqaknu engel amu nug ag gu<sub>ku</sub>ata ii wamanu heum.



<sup>29</sup> Israel danab ag Kayaknu oolagpa genab doopig amunu ag le kokod wan qaḏa eṭakpa oitem, amubia matadna laih wapig. Amge Igipta ag anam hekulagnu heegeg, le tonate, ag oh mauhpig.

<sup>30</sup> Israel ag Kayaknu oolagpa genab doopig amunu ag Jeriko ab taliliak men ad naḏi haen eblaih aḏit ele talilidna oiyegeg, men ad naḏi pana, na qeum.

<sup>31</sup> Rahab, nug am ib baag ah, nug Kayak aḏi heḏunu aum doya amu nug Kayaknu oopa genab doyom amunu do danab aḏit laa, ab italaknu uḏipid ele amu, nug ahilahnu maḏoḏ doya, a ehanatom amunu nug padal mak ehed hak danab ag aopig ele amu, nug amupa padal ii meum.

<sup>32</sup> Amu oh ag anam hepig amunu gemu am da aḏi nai laa tuḏite madikul. Amu da Gidionnu kaya, Bereknun kaya, Samsonnu kaya, Jeptanu kaya, Dawitnu kaya, Samuelnu kaya amu propet dilag kaya ele madikulun elele amge haen iita. <sup>33</sup> Danab amu ag Kayaknu oolagpa genab doopig amunu ag ban eḏidna, wan imupan gumak danab daanna, kobol nau kudum tapalateg nopig. Ag am Kayak keeke madakunu nai qaḏa aum amu aopig. Amu ag laion odelag qamutpig. <sup>34</sup> Amu ag heeg, ab nau qauhom. Ag am qep aeg hawaḏ ele aqamanu dekadpig. Ag gai iita daapig amge dimpa ag gagatag aopig. Ag ban danab gagatag bena amu ag ab laalapanu ban daup lamateg gopig. <sup>35</sup> Aria danab ag oolagpa genab doopig ele amu ag heeg, danab laala mauhpig ele amu, ag eḏun, hipaidna, ag waalkad ele baula daapig. Amu laa ag oolagpa genab doopig ele amu, ag oolagpa laala ag qagaetakpa daaegeg, keked ahilkad ag ehednab hadnana, bedulag heeg nauha auta awom amge ag Kayak di medapeg, keked uuadpeg gokulagnu dab ii

mepig, keked odelag ele ii dim lamidpig. Ag am mauhna, dimpa edun hipaidna, bauklel aoglag amunuib dab mepig. <sup>36</sup> Oopa genab doyak danab laala amu keked ahilkad ag kalemlem aqanna, laala ag bu aqanna amu laala muđi gagatagpa hipaladna, mani guitakpa ele maateg daapig. <sup>37</sup> Oopa genab doyak danab laala amu ahilkad keked ag menpa makudateg mauhpig. Laala amu ag hahpa bedulag otadateg ne, mauhpig. Laala amu qep aeg hawad elepa aqaeg mauhpig. Keket ag oopa genab doyak danab amu ehed hateg, ag lamen ena iita takan, ag keekenu ele dadek daapig. <sup>38</sup> Ag laala ag matatun gona, atu tadakpa, danab apa iita elepa oiyegeg, laala ag gona, qaukopa oiyegeg, laala ag men odepa ele daapig. Wan imupan danab nau ag am oopa genab doyak danab amu ele elele iitanab.

<sup>39</sup> Oopa genab doyak danab amu ag Kayaknu oolagpa genab doon, ag Kayak noobpa onig ena aopig amge ag aka Kayak keeke ena madaḱunu aum am ag haen amupanab ii aopig. <sup>40</sup> Adinu? Kayak Nug ag haen Nug tituanom ele amu haen amu ameg mebepeg, Jesus uđieb, geha ag ig ele oh eledenab megakunu dab meum.

## 12

### *JESUS DIM LAMITAKNU NAI*

<sup>1</sup> Aria ihinignu amu ig anukanu danab kudumnab ag ig oopa genab doyak kobol ipuniḱeg anidtem amunu ig oopa genab doyak ipu tutuku dim lamidtu! Ig danab laa ag nug edid edid qai etan goṭeb ele amu, ag keeke oh bedulag ug medate ele, ag amu buđieg uḱe, qai etan goṭeb amubia ig ađi keeke, ig amu ađat oopa genab doyaknu ipu tutuku ii dim lamidkunig amu ig keeke amu buđiput uḱeb, ig

adi hipunin, nug ig bedunigpa ta adaikom daate ele amu, ig amu ele qeput, na ukeb, ig Kayak Nug ipunig mekom amu amupa bahi yak ele iitapa qai etat gotu! <sup>2</sup> Amu ig amenig ukeb, Jesus, Nug am oopa genab doyaknu diig daate, Nug oopa genab doyak ihinig eledenab medaku diig ele amu, ig Nug anidtu! Jesus Nug anuka oo gamag ahak geha dimpa anidkunu dab meum amunu Nug gagaṭag dayaya, ad emaitakpa ug doyaya, guitak awa mauhom. Ad emaitakpa mauhaknu amu uḏanak ele amge Nug dimpa oo gamag ahak okai aokunu dab maama, uḏanak amunu dab ii meum, am keeke hamu bia doyom. Gemu amu Nug hab atan, Kayak epeg nadiappa, amuam anuqak aben, amupa daate. <sup>3</sup> Ag Jesus adi ipunigte am anteg! Hipunin danab anuka ag Jesus keked okai medapig amge Nug gagaṭagnab dayom. Ag gemu oolagpa genab dooteb amu ag keeke amu dab mena, ag ele aib bahilag yom amu ag ebehilag ele aib bodo etom.

<sup>4</sup> Ag am hipunin qepeg nekunu ban hepig amge ban amupa ag tiilag ii neum. <sup>5</sup> Ag oolag gagaṭag qedaḱunu Kayak Nug nai laa aum amu ag nai amu ag daulag atiomtai? Nug nai amupa ahilagnu amu Nug beḱod doyaya aum. Nai amuam inam. “O Nid dahil, Naḏi Nug na ena beḱutnu toliṭa, bu niṭeb amu na amunu keeke hamu bia aib doome. Nug na ena beḱutnu daut bateb amu na oot aib nauhom. <sup>6</sup> Adinu? Naḏi Nug danab laanu oo mauhte amu Nug danab amu ena daḱunu toliṭa, bu qeṭe. Nug danab laa awa, nuhignu, “Nid dahil,” aṭe ele amu, Nug danab amu ena beḱunu guitak nakok medṭe.”

<sup>7</sup> Nai anam daate amunu Kayak ag ena beḱulagnu ug madaṭe amu ag anen anen haen amupa, “Kayak

ehaniḏte,” doona, gagatag dayeg! Kayak Nug ahilag<sub>nu</sub>, Nug bekoḏnab doyaṭa atog noadte. Danab aun laa nug nid nuhig, nug ena beḑunu, ii toliṭa, bu ele ii qeṭe? Laa iṭa. <sup>8</sup> Danab ag nid ahilkad ena beḑulag<sub>nu</sub> toliadna, bu aqateb amunu Kayak Nug ag oolagpa genab dooteb ele ag ii toliṭa, bu ele ii aqate ele dayeb amu ag Nug bekoḏnab iṭa, ag am ib imuag<sub>nu</sub> nid bia daateb. <sup>9</sup> Amu ag imu ele anteg! Ig mamenkad wan imupanu amu ag ig ena beḑunig<sub>nu</sub> tolig<sub>na</sub>, bu iqaeg, ig ag binalag meṭem. Anam amunu ig Mamenig hab aṭan daate ele amu, ig Nug waapanab daatu! Ig anam daatta, bauklel aognig. <sup>10</sup> Ig mamenkad, wan imupanu amu, ag ig ena beḑunig<sub>nu</sub> amu haen tutuib, ag oolag anam daate ele, amu dim lamidna tolig<sub>na</sub>, bu iqapig amge Kayak Nug ig ehanig<sub>ku</sub>nu, Nug opia awak daate, ig ele amubia daagnig<sub>nu</sub> tolika, bu iqaṭe. <sup>11</sup> Danab nug ena beḑunu toliṭa, bu qak aote ele amu haen nug aote amu danab amu nug oo gamag ii ahaṭe. Iṭa. Nug oopa guiṭak doote amge Kayak Nug danab amu nug ena beḑunu uḏat amu ha male amu danab aun nug toliṭa, bu qak amu pehetak aote ele amu, nug tutuku oiyaya, maḏoḏ ele daate.

<sup>12</sup> Amunu ag Kayaknu toliṭa bu qak aoglag amu ag oolag aib nauhom. Iṭa. Ag danab nug epegte iṭa nug gategte gai iṭa meum, gagatag qedte amubia ag aka gagatag aqeg!  
<sup>13</sup> Amu ag oolagpa laa ag baelag nau ele amu ag nauhna autna aomnanu, ag eḑun ena daaglag<sub>nu</sub>, ag ib tapan goteb ele amu, ag bapaidna autna aweg!

#### **DAB METAKNU NAI**

<sup>14</sup> Amu ag danab laala ele ag oh maḏoḏ ele daanna oiglag<sub>nu</sub> uḏat gagatag henana, ag opia awak kobolpa

daaglagnu ele wagai meig! Ađinu? Danab laa nug opia awak iita ele amu nug Nađi anidkunu elele iita. <sup>15</sup> Danab laa nug Kayaknu ehanitak okai hamu megte ele amu di metā na qemanu dab meig! Ag oolagpa danab laa nug ad laa tiig mua ele, danab lanana mauhtebe ele, amubia dayaya, nug heeb, ag Kayak amegpa dubuđid ele daamnanu ele dab mena autna aweg! <sup>16</sup> Danab laa nug gapai kobol dim lamidmanu amu laa nug Esau, nug Kayaknu ii dab maama oitom, nug nid danab menuak tatamnu ititak amunu hamu doya, Jakop nug e nakoknab, geha iikunuib meteb, nug ititak amu Jakop medakunu a mete laum ele amu, laa nug Esau bia oimanu ele dab meig! <sup>17</sup> Ađinu? Ag dootebe dimpa Esau nug Isak epegpa ititak aokunu heum amge nug elele iita dayom. Esau nug ititak aokunu gayak huana heum amge nug ib nakoknab laa ii antom.

#### TITUANAK AĐIT DILAH NAI

<sup>18</sup> Israel ag anuka Sinai qauko, qauko amuam danab nug ađa dookunu elele, qauko amupa ab nađi ewa diťieye amu ag qauko amu gumidna wapig. Ag qauko amupa gatatu tepu ele dayeye wapig. Ag qauko amupa ulah nađinab uđieye wapig. <sup>19</sup> Ag qauko amupa biugal baag okai gayeye doonna wapig. Ag qauko amupa Kayak baag doon, ag bađana Moses amegpa inam apig. “Ig baula baag amu doyak uumut,” aon apig. <sup>20</sup> Haen amupa ag Kayak nai maťom amunu bađan autna aopig. Nug nai inam aum. “Danab laa nug epeg bahia qauko imu ađeb amu ag menpa makudpeg mauhad! Dođ ag ele qauko imu laudidpeg amu aqapeg mauheg!” awa aum. <sup>21</sup> Yo, Israel danab ag keeke amu anidna, oolag huana bađom. Amu Moses nug ele

aum. “Da baden hahad<sub>tem</sub>,” awa aum. Israel ag keeke amu oh gumidna wapig.

<sup>22</sup> Amge ag gemu daateb, ag am oolagpa genab dooteb ele amu, ag keeke anampa ii wapig. Ii<sub>ta</sub>! Ag amu Sion qaukopa tepig. Ag am Kayak apagpa, Jerusalem hab at<sub>annu</sub>, Kayak bauklelnu apagpa tepig. Ag amu engel tausen tausen qag mena, oo gamag ahak ok<sub>ai</sub> henan daateb ele, amupa tepig. <sup>23</sup> Amu ag Kayak bekod tatamnu, Kayak Nug ag onilag matu awom daate, ag amu dilag qag mak na<sub>di</sub> amupa wapig. Ag Kayak, Nug am danab oh epediadte ele amu, Nug gukuidna wapig. Amu ag danab anuk<sub>anu</sub>, Kayak Nug ahilag<sub>nu</sub>, “Danab tutuku,” aum, ag mauhadna hab at<sub>an</sub> tutuku elelenab daateb ele amu, ag gemu daateb, ag oolagpa genab dooteb ele amu, ag amu gumadna, ahilagpa tepig. <sup>24</sup> Amu ag Jesus, Nug am gamag danab, Nug tituanak bau heum daate ele amu, ag nuhigpa wapig. Kain Abel qe mauhom, haen amupa Abel tiig neum amunu nob mak dayom amge Jesus ehanig<sub>kunu</sub> he, Nug tiig neum amu ag amupa wapig.

<sup>25</sup> Amunu ag dab meig! Ag aib daulag itun, Kayak nai madite amu nai nuhig qepeg neum. Anuka wan imupa, Sinai apa, Kayak Nug nai gagatag danab amelagpa aum amge ag nuhig nai tapaeg neum. Ag tapaeg neum amunu ag ahilag hipuninnu nob qe edidna gokulag<sub>nu</sub> elele iita daapig. Gemu Kayak Nug hab at<sub>an</sub> dayaya, nai gagatag ig megte amunu ig Nug di metata amu ig oolta hipunin ihinignu nob qe edid<sub>kunignu</sub> elelete? Iitanab! <sup>26</sup> Anuka Kayak Nug odepa nai aawo, wan udalom amge geha Nug nai qa<sub>ka</sub> inam aum daate. “Da geha baula wan hepi udalku amge wanib iita, hab ele oh udalkulah,” awa aum. <sup>27</sup> Amu,

“baula,” nai amu inam ipunigte. Kayak Nug anuḵa keeke haṭom ele amu, keeke amu oh geha uḍalkulag. Keeke oh diignab iṭṭa ele daaṭe amu, uḍalak amu heeb, iṭṭa meḵu, baula ii daamna. Keeke laa, diignab ele amu, keeke amu aakuib geha daaku.

<sup>28</sup> Keeke diignab ele aakuib daaku amu ig amupa daagnignu daaṭem amunu ig oonig gamag ahebeb, ig amunu Kayak amegpa, “Ena hen meḵame,” aot atu! Amu ig Nug binag metata, uḍat, kobol ele, Nug amunu oo daaṭe amu, ig dim lamidta hetu! Ig Nug binag metata, nuhignu enanag doota, oonig ele oṭaiad! <sup>29</sup> Aḍinu? Ihinig Kayak Nug am genab, ab aḍu naḍinab bia.

## 13

### *KAYAK OO NIITE DIM LAMITAKNU NAI*

<sup>1</sup> Ag Kayak baeḵudpa daaṭeb ele amu, ag lailḵad dilagnu nug oo mauhak aib uupig. <sup>2</sup> Ag ḍo danab diin atog noadḵulagnu ele aib daulag atiom. Anuḵa laa anam hena, Kayaknu engel diin atog noadpig amge ag am engel amu, ag oolag tutuku ii maitete atog noadpig. <sup>3</sup> Lailḵad laa mani guitak oopa daaṭeb ele amu, ag amu dilag dab menan dayeg! Ag ahilagnu dab mena, ag ele danab mani guitakpa daaṭeb bia doona dayeg! Laa oolag ug ele dooteb amubiaib ag ele oolag ug ele bia doon dab maṭanna dayeg!

<sup>4</sup> Ewau dayaknu amu ag oh ena doyeg! Ewau a hanhan ewau genab daaglahnu ele ena anteg! Kayak Nug geha laa gapai aoteb ele amu epediadku. <sup>5</sup> Ag oolag men dodonu aib mauhom. Amu ag keeke aḍaṭeb ele amu, ag amupa elele doyeg! Aḍinu? Kayak Nug aum aaku daaṭe. “Da ag ii uuadpa, da ag ii di madapa,” awa aum. <sup>6</sup> Diig amunu ig oonigpa baḍak iṭṭa ele akunig. “Naḍi Nug dahil ehanitak

daate, da ii badapa, danab laa nug adi dahilpa laa heku? liita.”

<sup>7</sup> Toliak danab tatam tatam ag Kayak nai matiegeg, ag doopig amu daulagpa dayeb, ag dab mepeg ukeb, ag atem daanna oinna, udat henana mauhadpig amu amelagpa doobob, ag ele amubia doon, oolagpa genab doyeg! <sup>8</sup> Amu Jesus Kristus Nug atem daate amu, Nug tumai, gemu, hanhan ele anamib daate.

<sup>9</sup> Ipunitak kobol laa hanhan ahilagpa ii daate ele amu, ag anidna aib dim lamidpig. Adinu? Ig Kayaknu ehanitak okai hamu megte amupa, Nug dim lamidkunignu gagatag aognig am ena. Ig enu do kudum dim lamidta, gagatag amu aognignu hekunig am ena iita. Danab laala ag anam henan oipig amge ii ehanatom. <sup>10</sup> Aria ig kristen ele, ig am qadab laa, amuam Jesusnu ad emaitak, am mana metak danab ag dod gada laka apa udat heteb ele amu, ag apa henana, ag ihinig qadabpa ehanitak aoglagnu elele iita.

<sup>11</sup> Juda dilag mana metak danab dilag iki nug sipsip amu bulmakau ele tiilag awa, Kayak Nug danab ah dilag hipunin uhuqa madakunu lag oo gunnab amupa mana metak hete amge dod amu meulag amu ab dimitim manateg eote. <sup>12</sup> Amunu amubia Jesus Nug ele am ab okainu ad od dimitim, Nug danab dilag hipunin Nug tiigpa uhuqa mateb, opia awak daaglagnu, ug mawa mauhom. <sup>13</sup> Amunu ig ele ad dimitim nuhigpa gota, Nug udanak, ug ele awom bia aotu! <sup>14</sup> Ig dootem, wan imupa ab okai haen elab hanhan daakunu, ig apa daagnignu, laa ii daate. Amge ig am ab okai buti adi beku ele amunuib ameg metata daatem.

<sup>15</sup> Danab laa ag Kayak binag mekulagnu amu ag dod



keeke main, Nug medateb amubia ig Jesus udat nadi ihinignu heum, amupa Kayak binag metu! Ig amu hekunignu amu ig odenigpa Kayak Nug am ihinig Nadi akunig. <sup>16</sup> Amu ag lailkad dilagpa ena henana, ag lailkad keekenu tutu mak ele amu, ag nug ehanitak kobol ele hekulagnu aib daulag atiom. Adinu? Kayak Nug amunu mana metak bia doya, oo enanag daate.

<sup>17</sup> Ag tamaniak oopa daateb ele amu, ag ahilkad toliak waalagpa daanna, ahilag nai ele dim lamidkulag. Toliak ag ehanadkulagnu hena, hanhan ag atog noadnana udat heteb amu, toliak ag amunu geha Kayak amegpa mehuqkulag amunu toliak ag ug doomnanu, ag oolag gamag ahakunu amu ag laa ag ag waalagpa daanna, ahilag nai dim lamiteg! Tamaniak danab ah ag ug doonna, toliak dilag nai dim lamidkulag dayeb amu ag kobol amupa ehanitak ena ii aomna.

<sup>18</sup> Ig oonig am Kayak amegpa tutukuib daate amu oonigpa genab dootem, ig haen oh tutukuib oignignu oonig daate amunu ag Kayak ig ehanigkunu unuqiteg!  
<sup>19</sup> Dahilnu ele amu ag Kayak da ehanideb, da edue paha ahilagpa gokulnu Nug unuqidkulagnu ag unuqadtem.

### UNUQTAK LAA

<sup>20-21</sup> Aria Kayak, Nug am madod diig daate amu, Nug he, ihinig Nadi Jesus Nug mauhak oolagpanu edua hibaitom. Jesus tiig ne mauhom, amupa Nug, nug tituana nai qakak bau hanhannu gagaṭag qetom ele amu, Kayak Nug Jesus tiig amupa heeb, keeke ena oh ag nuhig dab mak dim lamidkulagnu elele daaglagnu ahilagpa dayeb, Nug ihinigpa adi hekunu oo daate amu hekunu ool daate.

Jesus Nug am ihinig gumak danab anuqak okai daate. Ig hanhan Nug binag metu! Genab!

**BAG QAK NAI**

<sup>22</sup> O lailad, udug imu tutuib yaami amunu ag daulag human, oolag gagatag qedakunu nai gagatag yaami imu, ag dooglagnu od mada<sup>tem</sup>. <sup>23</sup> Amu ele ag dooglag, ig lainig Timotius amu ag nug mani guitakpanu uhuqeg doum daate. Nug ipa haen elelepa udieb amu i oh geha ag gumadda gokunih. <sup>24</sup> Amu ag ihinig humitak nai ahilkad toliak oh matanna amu Kayaknu danab ah oh ele mateg! Amu Kayak baekudpan danab Italinu amu ag humitak nai ahilagpa meeg gote.

<sup>25</sup> Kayaknu ehanitak okai hamu megte amu, ag oh ahilagpa dayad!

## KAYAKNU NAI Tituanak Bau

The New Testament in the Nobonob Language of Papua New Guinea  
Nupela Testamen long tokples Nobonob long Niugini

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 27 Sep 2019 from source files dated 27 Sep 2019

ed374bb9-d819-53d1-a85b-f86cce3892e1